



Rosalía de Castro, 2
15200 NOIA (A Coruña)

Tel. 981 842 100
Fax 981 821 741

PREGO DE CLÁUSULAS ADMINISTRATIVAS PARTICULARES QUE REXERÁN O CONTRATO DE EXECUCIÓN DE "OBRAS DE MELLORA NA EFICIENCIA ENERXÉTICA NO CASCO HISTÓRICO DE NOIA", POR PROCEDIMENTO NEGOCIADO SEN PUBLICIDADE E TRAMITACIÓN URGENTE.

1. OBXECTO.

1.1. O presente contrato ten por obxecto a execución das obras que se describen no proxecto técnico denominado "Obras de mellora na eficiencia enerxética no casco histórico de Noia", elaborado polo polo enxeñeiro técnico industrial don Juan Ramón Barreiro Carreño, número de Colexiado 2.023, aprobado por Resolución do Alcalde número 1183/2010, do 24 de marzo, e integrado polos documentos enumerados no artigo 107 da Lei 30/2007, do 30 de outubro, de contratos do sector público (en adiante LCSP), e artigos 125 a 132 do Real decreto 1.098/2001, do 12 de outubro, polo que se aproba o regulamento xeral da lei de contratos das administracións públicas (en adiante RXLCAP), incluído o correspondente Estudo de Seguridade e Saúde ou Estudo Básico de Seguridade e Saúde, de acordo co disposto no artigo 4 do Real decreto 1.627/1997, do 24 de outubro, polo que se establecen as disposicións mínimas de seguridade e saúde nas obras .

1.2. O conxunto de documentos que compoñen o proxecto técnico considérase que forman parte integrante deste prego, tendo carácter contractual.

1.3. En caso de contradición entre o Prego de cláusulas administrativas particulares e o Prego de prescricións técnicas prevalecerá o primeiro.

1.4. Segundo a clasificación do Vocabulario común de contratos (CPV) aprobado polo Regulamento 2008/213/CE, do 28 de novembro, o obxecto deste contrato correspóndese co seguinte código:

→ 45316000-5. Traballos de instalación de sistemas de alumbrado e sinalización.

2. RÉXIMEN XURÍDICO

2.1. Este contrato ten carácter administrativo e rexerá polo establecido neste prego, na LCSP, no RXLCAP, no Real decreto-lei 13/2009, do 26 de outubro, polo que se crea o Fondo Estatal para o Emprego e a Sostibilidade Local e demais lexislación aplicable.

2.2. A presente contrata adxudicarase por procedemento negociado sen publicidade de acordo ao establecido nos artigos 155.d) e 161.2. da LCSP e o expediente seguirá a tramitación urgente prevista no artigo 96 e 128 da mesma, en cumprimento do establecido no artigo 17.1 do Real decreto lei 13/2009, de 26 de outubro.

3. ORZAMENTO, EXISTENCIA DE CRÉDITO, IMPOSTOS E REVISIÓN DE PREZOS.

3.1. O orzamento base de licitación do contrato será de:

- a) prezo sen IVE: setenta e dous mil cincocentos cinco euros con dezasete céntimos (72.505,17 €).
- b) IVE: once mil seiscentos euros con oitenta e tres céntimos (11.600,83 €).
- c) prezo con IVE: oitenta e catro mil cento seis euros (84.106,00 €).

3.2. A tódolos efectos, entenderase que as ofertas presentadas polos licitadores comprenden o IVE e demais tributos que lle sexan de aplicación segundo as disposicións vixentes, sen perxuízo de que o importe daquel imposto se indique como partida independente, de conformidade co artigo 75.2 da LCSP e modelo de oferta económica do presente prego .

3.3. As obrigas económicas que se derivan do cumprimento deste contrato realizaranse con cargo á

partida orzamentaria 453 61301 e financiarase con cargo ao Fondo Estatal para o Emprego e a Sostenibilidade Local creado polo Real decreto-lei 13/2009, de 26 de outubro, segundo a Resolución de data 25 de febreiro de 2010, do Secretario de Estado de Cooperación Territorial, pola que se autoriza o financiamento da obra "Obras de mellora da eficiencia enerxética no casco histórico de Noia" con cargo a este Fondo, publicada no enderezo electrónico do Ministerio de Administracións Públicas (www.mpt.es) ese mesmo día.

3.4. Dada a natureza das obras non procederá en ningún caso a revisión de prezos do contrato e polo tanto non se aplicará fórmula de revisión algunha.

4. ANUALIDADES NAS QUE SE DISTRIBÚE.

O pago das cantidades correspondentes ao orzamento do contrato aboarase nunha soa anualidade correspondente ao ano 2010.

5. PRAZO DE EXECUCIÓN.

5.1. O prazo de execución do contrato fíxase en noventa (90) días naturais, contados desde a data de sinatura da acta de comprobación da implantación do proxecto, agás que exista reserva fundada que impida o seu comezo. O contratista queda igualmente obrigado ao cumprimento dos prazos parciais fixados no Programa de traballo que se aprobe. En todo caso, as obras deberán quedar rematadas antes do día 1 de xaneiro de 2011.

5.2. O prazo contractual só se prorrogará cando concorran as circunstancias e requisitos esixidos pola lexislación vixente.

6. GASTOS A ABOAR EN CASO DE RENUNCIA OU DESISTIMENTO.

En caso de renuncia ou desistimento, compensarase a cada un dos licitadores polos gastos nos que incurrixe que, en todo caso, deberán ser acreditados. Non obstante, esta indemnización non superará en ningún caso o límite de 500,00 €.

7. REQUISITOS DAS E DOS LICITADORES E CLASIFICACIÓN.

7.1. Poderán presentar proposicións as persoas naturais ou xurídicas, españolas ou estranxeiras, que tendo plena capacidade de obrar non estean comprendidas nalgunha das circunstancias que enumera o artigo 49 da LCSP, e acrediten a súa solvencia económica, financeira e técnica ou profesional, de acordo ó establecido na cláusula 8.4. deste prego.

Poderán, así mesmo, presentar proposicións as unións de empresarios que se constituán temporalmente ao efecto e de conformidade co artigo 48 da LCSP. Cada un dos empresarios que compoñen a agrupación, deberá acreditar a súa capacidade de obrar e a solvencia económica, financeira e técnica ou profesional, coa presentación da documentación á que fan referencia as cláusulas seguintes, debendo indicar en documento privado os nomes e circunstancias dos empresarios que a subscriban, a participación de cada un deles e a persoa ou entidade que, durante a vixencia do contrato, ostentará a plena representación de todos eles fronte á administración e que asumen o compromiso de constituírse en Unión Temporal de Empresas (artigo 24 do RXLCAP). O citado documento deberá estar asinado polos representantes de cada unha das empresas compoñentes da unión.

7.2. Dado que o orzamento do contrato é inferior a 350.000,00 € e de acordo co establecido na disposición adicional sexta do Real decreto-lei 9/2008, do 28 de novembro, polo que se crea o Fondo Estatal de Inversión Local, non será necesario acreditar ningún tipo de clasificación.



8. DOCUMENTACIÓN E OFERTAS.

8.1. As ofertas dos licitadores deberán axustarse ao previsto neste prego de cláusulas administrativas particulares e a súa presentación suporá a aceptación incondicionada polo empresario do contido da totalidade de ditas cláusulas ou condicións, así como do proxecto técnico da obra e do prego de prescricións técnicas, sen salvedade ou reserva algunha, e a declaración responsable de que reúne todas e cada unha das condicións esixidas para contratar coa administración.

8.2. Cada licitador non poderá presentar máis que unha soa oferta, calquera que sexa o número de dependencias onde esta poda ser presentada. Tampouco poderá subscribir ningunha oferta en agrupación temporal con outras, se o fixo individualmente, ou figurar en máis dunha unión temporal. A contravención deste principio dará lugar automaticamente á inadmisión de todas as presentadas por el.

8.3. O licitadores presentarán tres sobres: **Sobre A** denominado **Documentación Administrativa**; **Sobre B** denominado **Número de traballador@s a contratar para a execución da obra**; e **Sobre C** denominado **Oferta económica**. Os tres sobres deberán presentarse pechados e asinados polo licitador ou persoa que o represente e no exterior dos mesmos deberá figurar:

- ◆ A razón social, denominación e CIF do licitador.
- ◆ Enderezo, número de teléfono e número de fax do licitador.
- ◆ Identificación do sobre, é dicir, **Sobre A, B ou C**, coa súa denominación, isto é, **Documentación administrativa** ou **Número de traballador@s a contratar para a execución da obra** ou **Oferta económica**, respectivamente.
- ◆ O título do procedemento, é dicir, <<**Procedemento negociado convocado polo Concello de Noia para a adjudicación do contrato de execución da obra "Obras de mellora na eficiencia enerxética no casco histórico de Noia"**>>.

8.4. Documentación administrativa, **Sobre A**: Neste sobre deberán incluírse obrigatoriamente os seguintes documentos orixinais ou mediante copias debidamente compulsadas, conforme á lexislación vixente:

- a) A capacidade de obrar dos empresarios que foran persoas xurídicas acreditarase mediante escritura de constitución e de modificación, no seu caso, inscritas no Rexistro Mercantil, cando este requisito fora esixible conforme á lexislación mercantil que lle sexa aplicable. Se non o fora, a acreditación da capacidade de obrar realizarase mediante a escritura ou documento de constitución, estatutos ou acto fundacional, no que consten as normas polas que se regula a súa actividade, inscritos, no seu caso, no correspondente rexistro oficial.

A capacidade de obrar das empresas non españolas de Estados membros da Comunidade Europea ou signatarios do Acordo sobre o Espacio Económico Europeo acreditarase mediante a inscrición no Rexistro procedente de acordo coa lexislación do Estado onde están establecidos ou mediante a presentación dunha declaración xurada ou un certificado, nos términos que se establezan regulamentariamente, de acordo coas disposicións comunitarias de aplicación.

A capacidade de obrar das empresas estranxeiras non comprendidas no parágrafo anterior acreditarase mediante informe expedido pola Misión Diplomática Permanente ou Oficina Consular de España do lugar do domicilio da empresa, na que se faga constar, previa acreditación pola empresa, que figuran inscritas no Rexistro local profesional, comercial ou análogo ou, no seu defecto, que actúan con habitualidade no tráfico local no ámbito das actividades ás que se estende o obxecto do contrato. Asemade deberán xustificar, mediante informe expedido pola Misión Diplomática Permanente Española, que o Estado de procedencia da empresa admite á súa vez a participación de empresas españolas na contratación coa Administración en forma sustancialmente análoga e presentar documento acreditativo de que a Empresa ten aberta sucursal en España, con designación de apoderados ou de representantes para as súas operacións e

